



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Expositio Cavsarvm Quibus S. R. M. Sveciae bellum à
Rege Regnoque Daniae sibi illatum, etiam post Pacem
Roschildiae initam, continuare coacta fuit**

Coyet, Peter Julius

[S.l.], 1658

Lit. CC. Diploma Regis Woldemari de venditione & abdicatione terrarum
Scaniae, Hallandiae Bleckingiae, Listriae & Insulae VVenae.

urn:nbn:de:hbz:466:1-10534

patuerunt. Quicquid itaque Vest. R. M. pro hac negotii conditione clementissimè Nobis ulterius injungere voluerit, in eo exequendo debita cum devotione erimus obsequentissimi. V. R. M. interim divinæ tutelæ cum voto omnigenæ prosperitatis & felicissimi Regiminis humilissimè commendantes.

Malmogia d. 10. Maj. 1658.

V. R. Majestatis

humillimi & fidelissimi

Cornificius VVllfeldt
Comes in Sylfsborg.

Ericus Sparre.

Lit. CC.

Diploma Regis Woldemari de venditione & abdicatione terrarum Scaniæ, Hallandiæ Bleckingiæ, Listriæ & Insulæ VVenæ.

UNIVERSIS præsentis literas vi suris & auditoris, Waldemarus, DEI Gratia, Danorum Sclavorumque Rex, & Dux Estoniæ, salutem in Domino sempiternam. Ad perpetuam rei memoriam, tenore præsentium recognoscimus evidenter, Nos Magnifico Principi Domino Magno, Sueciæ Regi illustri, Consanguineo nostro charissimo, terras videlicet totam Scaniam, totam Hallandiam, Bleckingiam, Listriam, & Insulam Huethen, cum castris, & munitionibus in eisdem terris situatis, cum omni jure Regio, Nobis, hæredibus nostris & successoribus, & Coronæ Regni Daciæ in prædictis terris, & qualibet earum, quolibet competenti, in civitatibus, villis forensibus & nundinis, cum earum juribus, in nullis penitus diminutis, sed potius reintegratis, prout ab antiquo tempore huc usque plenius & liberius habita fuisse dignoscuntur, nullis exceptis, quocunque nomine censeantur, pro XLIX. millibus marcarum puri argenti, ponder. coloniens. veraciter vendidisse: Cujus argenti summam ad Nos & usus nostros venisse agnoscimus, pro omnibus terris antedictis, & earundem juribus, pertinentiis quibuscunque, in pretium per hunc modum:

Primo

Primo namque Dominus Magnus Rex præfatus debita Patris nostri charissimi, Domini Christophori, bonæ memoriæ, quondam Regis Danorum quæ nos de jure solvere tenebamur, ab Illustri Principe Domino Johanne Comite Holsariæ & Stormariæ, patruo nostro dilecto, terras Scania, Bleckingia & Listria, & Insulæ Huethen per prædictum patrem nostrum impignoratas tenente, pro XXXIV. millibus marcarum, puri, argenti pond. Colon. plenè, & integraliter persolvit, redimendo populum terrarum earundem ab oppressiõibus & injuriis, extrancorumque gravaminibus eripiens, quarum terrarum incolæ omnes & singuli, eundem Dominum Regem Magnum unanimi consensu & concordia animo suum in verum Regem rite elegerunt. Quam quidem electionem justam fore dicimus, à Nostro, hæredum ac successorum nostrorum, & Coronæ Regni Daciæ nomine, confirmando approbamus & affirmando cõfirmamus. Præterea memoratus Dominus Rex Magnus in pretium terrarum prædictarum, octo millia marcarum puri argenti pond. Colon. personaliter nobis ipsis persolvit, & integraliter assignavit; Et cum hoc caltrum Copmanna Hampe mutua dilectionis inter nos ampliandæ interventu gratanter Nobis dimisit per se, pro 7. millibus marcarum puri argenti pondere Coloniensi acquisitum; Quam etiã argenti summam, ex affectione qua erga eum movemur, vice versa, in precium terrarum prædictarum nos recognoscimus accepisse.

Igitur cum eidem Domino Regi Magno prædictis summis argenti principalibus & minus pro damnis & interesse incomprehensibilibus, quæ ipsi Domino Magno Regi, & Regnis suis dictæ occasione solutionis argenti memorati & crebræ defensionis terrarum prædictarum graviter & multipliciter obvenerunt, satisfacere ullo modo non sufficeremus, quæ videlicet damna & interesse ipsi Domino Magno Regi prædicto, successoribus & hæredibus suis omnimodo refundere tenebamur, prout in nostris & aliorum litteris super hoc confectis plenius & clarius continetur, præfato Consanguineo nostro Domino Regi Magno, ejus successoribus & hæredibus ac Coronæ Regni Sueciæ tam pro dicti argenti summa, quam damnis & interesse cum assensu, & consilio unanimi Consiliariorum nostrorum, & Procerum Regni nostri Daciæ, Clericorum & Laicorum tam Prælatorum, quàm militum, & militarium, ac totius populi ac communitatis Regni ejusdem, à Nobis, hæredibus & successoribus nostris ac Corona Regni Daciæ, libera ac spontanea voluntate, non compulsis, non coactis, non dolo, nec aliqua circumventionem induciti, prædictas terras omnes, & earum quamlibet, cum munitionibus & castris, in eisdem terris & earum qualibet, situatis, ac omni jure regio & pertiëntiis quibuscunq; superius tactis & inferius exprimēdis, titulo veræ venditionis & perpetuæ alienationis dimisimus, & dimittimus

Et

Et ut prædictarum terrarum per Nostaliter facta mera venditio, infir-
 vorior, & magis valida censeatur, in signum traditionis, vere possessionis,
 tam naturalis, quam civilis, & ad usus alienationis perfectæ, evidens argu-
 mentum, nos eidem Domino Regi Magno, hæredibus ac successoribus suis
 & Coronæ Regni Sueciæ perpetuo possidendas, tenendas & habendas, sco-
 tavimus modo debito, & consueto, ac à Nobis, successoribus, ac hæretibus
 nostris, ac Coronæ Regni Daciæ profus alienavimus. & omnino abdicavi-
 mus terras Scaniæ, Hallandiæ, Bleckingiæ, Listriæ & Insulæ Huedhen, mo-
 netam & nundinas, cum earum juribus, ut promittitur, castris, munitioni-
 bus, Prædiis rusticis & urbanis, ad Regem, & jus regium pertinentibus ci-
 vitatibus & villis forensibus, una cum jure Patronatus in Ecclesiis, & mo-
 nasteriis, & capellis quibuscunque Regi competenti, omni jure, quo terre
 castra, provinciæ & quævis alia bona mobilia & immobilia Scotari, alienati,
 resignari, renunciari, & abdicari solent, & debent, de jure & de facto assi-
 gnantes ipsi domino Regi Magno, hæretibus, & successoribus suis ac Coro-
 næ Regni Sueciæ, & subjectione & obedientia Nobis successoribus, ac hæ-
 retibus nostris, ac Coronæ Regni Daciæ, si quæ ratione terrarum prædicta-
 rum, seu in terris antedictis quolibet unquam debito, dimittentes liberum
 & solum reverendum in Christo patrem, Dominum Petrum Ludensem
 Archiepiscopum, Sueciæ primatem, qui nunc est, & eum qui pro tempore
 fuerit Archiepiscopus ibidem, cum capitulo Ludensis Ecclesiæ ac universo
 clero ejusdem Diæcesis, cujuscunque status aut conditionis existat,

Item dimisimus à Nobis, successoribus & hæredibus nostris, & à Co-
 rona Daciæ liberos & solutos omnes milites, militares, civitatenfes, villari-
 os omnes etiam rusticos, & inquilinos, & omnium prædictorum successo-
 res, & hæredes in terris supradictis, ab omnibus servitiis, homagiis, obedi-
 entia, & obsequiis quibuscunque, ad quæ jamdudum Nobis Regi ac Co-
 ronæ Regni Daciæ tenebantur, & ipsi Regi Magno prædicto, successoribus
 & hæredibus, ac Coronæ Regni Sueciæ effectualiter assignavimus, ad per-
 petui servitii homagiū, & obedientiæ debitū, prout quilibet eorum ex statu
 suo & conditione servite, & obedire suo vero Regi obligatur, & tenetur de
 jure & patriæ statutis, seu de consuetudine laudabili approbata & servata.

Tradimus in super Domino Regi Magno prædicto, successoribus &
 hæredibus suis ad Coronam Regni Sueciæ prædictas terras, munitiones e-
 arum & Castra, ac pertinentias ac jura quævis in eisdem, & ab omni pos-
 sessione recedimus earundem, verum dominium terrarum ipsarum in eun-
 dem Dominum Regem Magnum, successores & hæredes suos ac Coro-
 nam Regni Sueciæ Plenariè transferentes, ut Nos, successores nostri, vel
 hæredes nunquam posse habeamus, aut potentiam ex jure vel ex facto,
 præfatum Dominum Regem Magnum, successores suos vel hæredes, seu

Regna sua, terras aut dominia, quovis modo molestare, aut aliquo modo ag-
gravare, aut impetere, seu conqueri super præmissis, vel aliquo præmis-
forum, renunciantes sponte & expressè pro nobis, successoribus nostris,
hæredibus nostris ac Corona Regni Daciæ omnis juris auxilio Canonici
vel civilis, consuetudinibus, legibus ac statutis patriæ, beneficio restituti-
onis in integrum, cum omnibus exceptionibus doli mali, vel quæ metus
causa, & cuilibet alterius exceptioni juris & facti, præmissa omnia, vel eo-
rum aliquod infringenti, vel infringere volenti, & specialiter juribus dicen-
tibus generalem renunciationem non valere, & Regem alienationes fa-
ctas in præjudicium Regni sui & Coronæ, posse revocare, promissione in
contrarium facta non obstante. Item confirmamus, approbamus & rati-
ficamus omnes & singulas Placitationes & literas Domino Magno Regi
præfato, & Coronæ Regni Sueciæ, tam per Nos, quam Scanienfes ac quas-
cunq; alias ab antea, in hunc diem initas atq; datas, nec non Præsentes
litteras & placitationes, super omnibus & singulis memoratis. Quas quidem
placitationes & literas in suo pleno vigore & robore, in perpetuum volumus
perdurare, ac per hanc nostram placitationem & finalem concordiam in
nullo diminutas vel debilitatas, sed potius de novo roboratas.

Cæterum si continget, Nos, successores nostros, vel hæredes impedire
velle, seu molestare ultra dimidium passagii Orasund Dominum Regem
Magnum Sueciæ prædictum, successores vel hæredes ejus ac Coronam Re-
gni Sueciæ, super terris Scaniæ, Hallandiæ, Bleckingiæ, Listriæ, & Insula
Huethen, justis ad Coronam Regni Sueciæ applicatis, seu super terris vel
dominiis aliis quibuscunque ipsi præfato Domino Regi Magno successo-
ribus suis, & hæredibus attinentibus, per publicum hostiliter invadendo,
seu per viam litigii, vel contentionis, aliove modo, dicendo Nos jus habe-
re, cum non habeamus, Pacem, placitationes & hanc finalem concordiam
infringere, ne Regnum, successores & Corona pacifice teneat, & quiete pos-
sideat terras suprascriptas, extunc sex Episcopi, milites & militares totidem,
Regnorum scilicet Sueciæ & Daciæ ad hoc per utrumq; nostrum Regnum,
successores nostros vel hæredes specialiter assumendi, in Helsingaborgh
infra duodecim septimanas, à tempore delatæ querimoniæ convenient,
& discussione diligenti præhabita, Nos, successores nostros & hæredes
tam ad damna, & interesse, quæ ipse Dominus Magnus Rex prædictus,
successores sui vel hæredes ob tales impetitiones seu molestias rationabili-
ter incurrerint, quam ad pœnam XXX. millium marcarum puri argenti
ponderis Coloniensis solvendarum, in terris & locis satis tutis, ipsi
Domino Regi Magno, vel successoribus & hæredibus suis, seu eorum nun-
ciis, per prædictos duodecim statuendis, omnimode compellant, & adstringant;
Quæ videlicet damna & interesse, una cum pœna prædicta, si sol-
vere

vere voluerimus, vel contumaciter aut malitiose à prædictorum solutione Nos subtraxerimus, terris vel locis Nobis præfixis tunc præfati sex Episcopi, quorum in hoc jurisdictioni Nos voluntariè & expressè subijcimus si concordaverint alias, tres ex eisdem Episcopis de Regno Sueciæ, sententiam excommunicationis quoties opus fuerit, abque displicentiæ nostræ nota, nostrorumque successorum, vel hæredum, in Nos, successores nostros, vel hæredes promulgabunt, minime relaxandam, donec ipsi Domino Regi Magno, vel successoribus & hæredibus suis, prodictis damnis, interesse, ac pœna, pro suæ voluntatis libito, per Nos, vel successores nostros & hæredes, plenariè fuerit satisfactum pace & hac finali concordia inter Regem prædictum Dominum Magnum, successores & hæredes suos, ac Regna & Dominia Eorundem, ac Nos, Successores Nostros, ac Regnum & Dominia Daciæ in perpetuum duraturis.

Verum ut præmissa omnia & singula, quæ Nos personaliter illibata servare & tenere, & non contravenire per Nos, vel alium aliqua occasione, sive causa, de jure vel facto, promittimus bona fide, & sub honore nostro, ut majorem habeant roboris firmitatem, volumus & expressè consentimus, nostro, successorum & hæredum nostrorum nomine, quod si contra ea, vel eorum aliquod, quod DEUS avertat, Nos, successores nostros vel hæredes, venire, aliquo modo contingat, fidejussores & compromissores nostri infra scripti, hæredes & successores eorundem, eo ipso, absque displicentiæ & ingratiitudinis nostræ, successorum nostrorum & hæredum nota, se Nobis, successoribus & hæredibus nostris possint & debeant hostiliter opponere, & præfato Domino Magno successoribus & hæredibus suis, contra Nos, successores nostros & hæredes efficacijuvamine firmiter & fideliter, cum omnibus amicis suis, aliisque amore eorum, quicquam facere vel omittere volentibus, unanimiter adhærere, donec eidem Domino Magno Regi præfato, successoribus, vel hæredibus suis, per Nos vel successores nostros & hæredes, propter ea integraliter fuerit satisfactum, secundum iustitiam vel amorem. In quorum omnium evidentiam firmiter, sigillum nostrum est appensum.

Nos insuper Sveno Arosiensis, Jacobus Ripensis Ecclesiarum Episcopi, Johannes de Esrom, & Henricus & cæteri multi, &c. Fidejussores & compromissores Domini nostri Regis Waldemari supradicti recognoscimus nos omnes in simul, et per nostrum quemlibet, cum communitate totius regni Daciæ libera voluntate & affectanti animo veraciter consensisse, non compulsos, non coactos, nec aliquo modo circumventos, omnibus placitationibus factis super præmissis articulis, & earum quolibet, per magnificum principem Dominum nostrum Regem Waldemarum prædictum & huic finali concordia verum consilium nostrum

& assensum tribuisse, obligantes Nos omnes, & nostrum quemlibet, hæredes nostros, & successores eorundem, & nullum in Regem Daciæ eligamus, vel in principem assumamus, aut in Regem & Principem aliquo colore seu commento callido quæsito eligi vel assumi procuremus nisi prius juret & promittat, quod statim ac in Regem electus, aut in Principem assumptus, confirmet, seruet & teneat omnia & singula, placitationes, & literas, omnes, & singulas super terris omnibus nominatis superius & earum qualibet, factas, & hanc placitationem & finalem concordiam concernüt, cum omnibus & singulis earum clausulis & articulis, quæ in literis dictarum placitationum & hujus finalis concordiaë ubicunque confectis, plenius continentur.

Promittimus etiam sub fide nostra & honore ac successorum nostrorum & hæredum, quod si præfatus Dominus noster Rex Waldemarus, ejus hæredes vel successores ad Coronam, vel Regnum Daciæ qualitercunq; venientes, prætextu Juris Coronæ Regni Daciæ, ad propriæ temeritatis audaciã insurgentes, seu eligentes, contra præmissa, vel eorum aliquod venerint vel venire attentaverint, statim Nos, hæredes nostri & successores eorundem, cum amicis nostris omnibus, aliisque amore nostri facere quicquam vel omittere volentibus, sæpe dictum Dominum Magnum Regem Sueciæ, successores suos, & hæredes, sub præmissa fidei nostræ sponcione, efficaciter & fideliter Juvabimus, contra ipsum Dominum nostrum Regem Waldemarum successores suos & hæredes. In præmissorum evidentiam & testimonium, Sigilla nostra, una cum Sigillo Domini nostri Waldemari præsentibus apponentes. Actum & datum in castro Wardbergh, Anno Domini M, CC C, XLIIJ.

Lit. DD.

Diploma Regis Magni in eodem negotio.

UNiversis præsentis literas videntibus vel audituris, Magnus Dei gratia, Rex Sueciæ, Norwægiæ & Scaniæ, Salutem in Domino sempiternam. Quantis est plena periculis æmula pacis discordia, jam non solum ex prisca dudum colligimus serie, verum etiam quam brevi manu ad id attingimus, quam in se perplexa sit præterquam quod onusta dispendiis crebra Guerrarum adjecta, quæ gravi concussionis pondere luctuosa cumulant incommoda subditorum. Procul igitur eliminanda est Guerrarum occasio, & alumna bellorum sæva dissensio radicitus extirpanda, ut quæ ad pacem fuerint bene ordinata effectu non careant, cum cognoscantur habere profectum salutarem. Hinc est quod tenore præsentium no-
cimus